

2 REYES

Cap. 2:23 - 3:14

Maitei angirũ che rendúva. Ñañepyrũ ñande estudio 2 Reyes rehegua. Ko árape ñamyesakâvéta ko capítulo 19. Ñane programa mboyve guápe ñañe'ẽ Kuri Elíaspe ojegueraha ramo guare ha Eliseo opyta ramo guare hendaguépe ha ohechauka ojeroviaha. Jahecha kuaa avei pe Ñandejára Espíritu oñembojo'a hague chupe. Ha umi profeta ra'y kuéra oha'arô gueteri chupe pe ysyry Jordán rembe'ýpe, ohecha kuaa mba'éichapa Eliseo omboja'o pe ysyry Jordán Elías ahoja rupive. Ohecha kuaa hikuái Eliseope oñeme'ẽ pe Elías pokatu, ha noimo'ãi hikuái Elías ohoitémaha. Eliseo he'i chupe kuéra añetehápe Elías ohóma hague ha natekotevẽ véima oheka chupe. Umi profeta ra'y kuéra ohekase chupe, ha upéma ramo Eliseo oheja chupe kuéra oho oheka Elíaspe, 50 kuimba'e oho oheka Elíaspe. Ha ndojuhúima ramo chupe hikuái ohecha kuaa Eliseo ha'eha pe Ñandejára profeta. Upe rire umi Jericógua oğuahe Eliseo rendápe peteĩ joavy rupi. Pe y upe pegua ivai ha pe yvy iporã. Eliseo ojerure chupe kuéra peteĩ kambuchi henyhẽva jukýgui ha oho pe oñohẽ pe y osẽháme ha he'i, “Péicha he'i Ñandejára: Che amopotĩ ko y ha ndaipóri mo'ã véima ipype omanóva ha hasýva.” Ha ko'agãite peve pe y ipotĩ ha heterei he'i haguéicha Eliseo. Ja'e Kuri péva ha'eha pe mokõiha milagro oja póva Eliseo. Ñamoñe'ẽ umi versículo 23, 24 ha 25 ko capítulo 2gui, 2 Reyespe:

2 Reyes 2:23-25 “Eliseo oho upégui Betel gotyo. Ojupi ohóvo pe tape rupi ha peteĩ mitã aty upe táva pegua, oñembohory hese ha osapukái chupe: “Néike akã perõ, ejupíke!”²⁴Eliseo

ojere, oma'ẽ hese kuéra ha ombojeharu Ñandejára rérape. Upete vove osẽ mokõi tymba ñarõ ka'aguýgui ha oipehe'ãmba 42 ha'e kuéravape. ²⁵Upéi Eliseo oho yvyty Carmélpe ha upégui ou jey Samáriape.”

Umi ndoguerohorýiva Ñandejára Ñe'ẽ oguerohory pe he'íva ko'ápe ha he'i mba'érepa ojejuka umi 42 mitâme. Eliseo oho hína ohecha rire Elíaspe mba'éichapa ojegueraha yvágape. Oĩ he'íva Elias ndojeguerahái hague yvágape, ikatu ho'a pe yvyty rupi ha omano. ¡Ajépa mba'eichaitépa ndoikuaái hikuái Ñandejárape! Eliseo ohóvo Bet-el gotyo, umi mitârusu kuéra oñembohory hese. Ha Eliseo omaldecí chupe kuéra Ñandejára rérape ha mokõi tymba ñarõ ojuka chupe kuéra.

Eliseo, oñepyrũ ramo guare omba'apo Ñandejárape guarã imitã gueteri. “Bet-el” he'ise “Ñandejára róga.” Abraham raẽ imandu'a hese ha upe rire Jacob. Ha umi Bet-el pegua ndoiko véima yma guaréicha. Oñemboja'óvo Israel, Jeroboam omoĩ ramo guare pe toro ra'anga Bet-elpe, ndojeho véima Jerusalénpe oñemomba'évo Ñandejárape. Bet-elpe avei oĩ umi profeta gua'u oporombo'éva. Péichahápe okakuaa umi Bet-elgua. Ha'e kuéra nomomba'ei Ñandejárape ha noñembo'e véima chupe kuéra hekoitépe. Ñamoñe'ẽ pe versículo 23 Ko capítulo 2gui, 2 Reyespe:

2 Reyes 2:23 “Eliseo oho upégui Betel gotyo. Ojupi ohóvo pe tape rupi ha peteĩ mitã aty upe táva pegua, oñembohory hese ha osapukái chupe: “Ñeĩke akã perõ, ejupíke!”

“Oho upégui Betel gotyo,” he'i ko'ápe. Jahecha kuaa ko'ápe umi mitârusu kuéra osẽ hague pe távagui. Opavave jahecha ramo mitã nguérape. Jaikuaa ramo umi mitã michĩ gueteri hague umi oñembohory vaekue Eliseo rehe, ja'éta voi Eliseo ojapo vai hague ha ojapo hague pe Ñandejára ndoipotáiva ojejapo. Jesús he'i Mateo capítulo 19, versículo 14pe: “Peheja umi mitã

tou che rendápe, ha ani pejoko. Umi ha'e kuéraicha guápe guarã niko hína ñesãmbyhy yvágagui oúva.” Ñamoñe’êvo Biblia jahecha kuaa mba’éichapa Ñandejára oñangareko umi mitâ nguéra rehe.

Ne mandu’ápa pe oiko vaekue Cades-barneape Números capítulo 14 versículo 3pe he’i: *“Maerã piko Ñandejára ore reraha hína pe tetãme? Rojejukapáta hína ha ore rembireko ha ta’yra kuéra opytáta hembiguái ramo. Iporãvéta roho jey ramo Egíptope. Péicha he’i umi Israelgua ani haḡua oike pe yvy oñeme’êva chupe kuérape. Oimo’ã ojejukáta imitâ nguérape. Ha Ñandejára he’i chupe kuéra Números capítulo 14 versículo 31 ha 32pe: ³¹Peje vaekue pende ra’y kuéra ojererataha upépe tembiguái ramo. Che katu araháta chupe kuéra pe yvýpe peẽ ndapeipotái vaekuépe, ha upépe ha’e kuéra ovy’áta. ³²Peẽ pemańota ko’ápe ko yvy ojeiko’ýháme.”*

Jaikuaa ko’ápe oñe’ê mitârusu rehe, 1 Reyes, capítulo 12 versículo 8pe ñamoñe’ê: *“Roboam katu nopenái pe he’íva umi myakãkára ha ombyaty umi karia’y kuérape okakuaa vaekue hendive ha ojapóva pe ha’e oipotáva.”* Ko versículo jahecha kuaa Roboam nomomba’ei hague umi itujavéva he’íva ha ojapo umi imitáva he’íva chupe. Pe ñe’ê karia’y ojeporúva ko’ápe ojeporu avei umi imitáváva rehe ko capítulo 2, versículo 23pe, 2 Reyespe.

Ne mandu’áne Samuel ou ramo guare omongarai haḡua rey ramo Isaí ra’yype. Ohasávo Samuel renondépe, Samuel he’i: *“¿Ko’ávante piko nde ra’y?”* Pe ñe’ê ta’yra ojeporu avei pe ikaria’y mavape. Umi mitákaria’y jajuhúva 2 Reyes ha’e umi profeta japu remimbo’e kuéra. Ha’e kuéra oñembohory Eliseo rehe he’i chupe: *“¿Néike akã perõ, ejupíke!”* ¿Mba’épa he’ise hikuái péicha ramo? Ha’e kuéra oipota oho pe Elías oho haguéicha. Oñembohory hína pe Ñandejára ojapo vaekue rehe.

Apóstol Pedro he'i péicha he'ítaha umi ndogueroviáiva Cristo ou jevýtaha. Ko capítulo 2, 2 Reyespe, Ñandejára ohechauka ñandéve ha'e ombojovakétaha umi oñembohoryva Cristo ou jevýta haguére pe capítulo 3, versículo 3 ha 4pe he'i: *“Opa mba'e ári peikuaa porãke kóva: Ára pahápe ou vaerã umi iñakã rehénté oikoséva, ha ojauposévante oja póva. Umíva oñembohoryta pende rehe, ⁴ha he'íta peême: “Cristo niko he'i vaekue ou jeytaha. Moõ piko oime? Ore ru kuéra niko omanombáma, ha ko yvy katu oĩ iñepyrũby guive guaréicha.”*

Segunda Reyespe oñe'ẽ pe jovake rehe oġuahêtava umi oñembohoryva Cristo jeju jevy rehe. Ha upéva pe jovake ipohýi etereíta. Pe versículo 24pe he'i:

2 Reyes 2: 24a “Eliseo ojere, oma'ẽ hese kuéra ha ombojeharu Ñandejára rérape.”

¿Rehecha kuaápa ko'áva karia'y he'i Eliseope akã perõ? Jahecha kuaa Eliseo iñakã perõ hague. He'i chupe: ¿Mba'ére piko nde rehói avei Elíascha? Ha'e kuéra oñembohory Ñandejára Ñe'ẽ rehe. Ñandejára Ñe'ẽme heta jevy oñe'ẽ pe jovake rehe. Péva rehe, angirũ che rendúva iporã jahecha kuaa pe oiko vaekue ko'ápe. Ha Eliseo hekoitépe ojapo pe ojapo vaekue. Ko'ápe Eliseo ojogua Elíaspe. Ojogua avei Jesucristope he'i ramo guare Mateo capítulo 11, versículo 21pe: *“¡Ejererekóke nde, táva Corazín! Ejererekóke nde, táva Betsaida! Táva Tiro ha Sidónpe ajapo rire umi mba'e hechapyrãva ajapo vaekue pende pype, ymáma ojere vaerã mo'ã hikuái Ñandejárape, ha omonde vaerã mo'ã ao vosakue ha oġuapy tanimbu ári, ohechauka haguã ombyasyha iñangaipa!”* Upe rire he'ive pe versículo 23pe, pe capítulo 11pe: *“Ha nde, táva Cafarnaúm, reimo'ã piko reguahêtava yvágape? Ñandejára uvei nde reitýta omanóva retãme. Sodómape ajapo rire umi mba'e hechapyrãva ajapo vaekue nde pype, upe táva oĩ vaerã mo'ã gueteri ko'agãite peve.”* Péva ha'e jovake, angirũ che rendúva. Apóstol Pablo ikatu Kuri ojevy ha he'i pe soldadope ombyepoti vaekue chupe, Hechos capítulo 23, versículo 3pe: *“¡Ñandejára ne nupãta, tekove rova mokõi! Nde reguapýrõ upépe che mbojovake haguã ñane rembiapoukapy*

he'i háicha, mba'érepa ere añenupã haguã, ko ñane rembiapoukapy ndohejáiva upéva ojejapo?!” Pe Pablo, ha Eliseo ojapo vaekue ndaha'úi oja póva ipy'aro rupi. Ñamoñe'ẽ umi versículo 24 ha versículo 25 ko capítulo 2gui, 2 Reyespe:

2 Reyes 2:24b - 25 “ Upete vove osẽ mokõi tymba ñarõ ka'aguýgui ha oipehe'ãmba 42 ha'e kuéravape. Upéi Eliseo oho yvyty Carmélpe ha upégui ou jey Samáriape.”

Ndaha'úi Eliseo pe ohejáva umi tymba ñarõ ojuka umi karia'y kuérave. Ñandejáraite voi ojapo péicha

Péicha, angirũ che rendúva, ñamohu'ã ñande estudio ko capítulo 2 rehegua 2 Reyespe. Ñaḡuahẽma pe capítulo 3pe. Ko capítulope jaguereko Joram oisambyhy ramo guare. Mesa opu'ã ramo guare huvicha rehe. Eliseo omonguera pe y ha he'i Joram ipu'akátaha. Umi moabita ndaipu'akái. Pe rey Moab pegua ojuka ita'yra ypykuépe oikuave'ẽ ramo itupã gua'úpe.

Rey Ocozías, Acab ra'y, ndoguerekói ta'yra tee opyta vaerã hendaguépe, ha péva rehe tyvýra Joram opyta hendaguépe. Moab oñemoĩ Israel rehe. Josafat oñemoirũ Joram rehe oñorairõ haḡua Moab ndive. Josafat ojerure jevy pe Ñandejára profeta rehe. Eliseo he'i Josafatpe Ñandejára ome'õtaha chupe kuéra y porã ha ipu'akáta Moabgua rehe.

Ñamoñe'ẽ umi versículo 1, 2 ha 3 ko capítulo 3gui, 2 Reyespe:

2 Reyes 3:1-3 “Áño 18 oisãmbyhy hague Josafat Judápe, Joram Acab ra'y oñepyrũ oisãmbyhy Israel retã ha oisãmbyhy Samáriape 12 año. ²Hembiapokue ivai Ñandejára renondépe, ndaha'úi jepe ivai etéva isy ha itúva rembiapo kuéicha; oipe'a niko pe ita oñemboykéva Baal peguarã, itúva ojapo vaekue. ³Opáichavo ojapo opa umi mba'e vai ojapo

vaekue Jeroboam Nabat ra'y, ha umíva rupi ojapouka ivaíva Israel guápe.”

Joram ha'e Acab ra'y ha Jezabel memby, opyta vaekue Ocozías rendaguépe, omano vaekue ita'ýra'ýre. Ndojapói pe pactope he'i háicha ko'ápe: “Ojapo opa umi mba'e vai ojapo vaekue Jeroboam.” Ñamoñe'ẽ umi versículo 4 ha 5:

2 Reyes 3:4-5 “Mesa, Moab ruvicha guasu, omoñemuña ovecha ha opaga vaerã Israel ruvicha guasúpe 100.000 ovecha ra'y ha 100.000 ovecha mácho ilána reheve. ⁵Acab omano rire katu Moab ruvicha guasu opu'ã Israel ruvicha guasúre.”

Mesa, Moab rey ojejuhu Israel rembiguái ramo ha ohepyme'ẽ vaerã Israel ruvicha guasúpe. Acab omano rire, Moab oñeha'ã ndoikovéi Israel rembiguái ramo. Pe rey Mesa ndohepyme'ẽse véima Israelpe. Joram péva rehe oho ojerure ojehepyme'ẽ haḡua chupe. Ñamoñe'ẽ umi versículo 6 guive 10 peve:

2 Reyes 3:6-10 “Upérõ Israel ruvicha guasu Joram osẽ Samáriagui ha ohecha opa Israel ñorãirõhára. ⁷Upéi he'ika Judá ruvicha guasúpe: “Moab ruvicha guasu opu'ã che rehe. Che moirũsépa ñañorãirõ haguã hendive?” Judá ruvicha guasu he'i chupe: “Romoirũta. Che, che ñorãirõhára ha kavaju arigua kuéra niko roĩ ne ndive ha ne génte kuéra ndive. ⁸Ha mamorupípa ñandyrýta hese?” Joram he'ika chupe: “Edom pegua yvy ojeiko'ýha rupi.”⁹Upéicha Israel, Judá ha Edom ruvicha guasu kuéra oñepyrũ oho oñondive. Opáichavo heta ojere vaerã ha oguata 7 ára pukukue; upévare opa pe y iñorãirõhára ha hymba kuéra peguarã. ¹⁰Upérõ Israel ruvicha guasu he'i:—Háke! Ha'ete ku Ñandejára ñande rerúva ko'ápe mbohapy mburuvicha guasúpe ñane me'ẽ haguã Moabgua pópe.”

Jahecha ko'ápe Joram oheka oñemoirũ haḡua Josafat ndive. Upe rire oñeha'ã ogueru hikuái

Eliseope. Ñepyrurâ Eliseo ndouséi, ha upe rire ou. Ñamoñe'ëve umi versículo 11 guive 14 peve:

2 Reyes 3:11-14 “Josafat oporandu:—Ndaipóri piko árupi peteĩ Ñandejára profeta ñaporandu haguã Ñandejárape ha'e rupi? Peteĩ mburuvicha Israel guáva he'i:—Ápe oĩ Eliseo Safat ra'y, Elías moirũhare.¹² Josafat he'i:—Ñandejára ñe'ẽ oĩ hendive! Israel ruvicha guasu, Josafat ha Edom ruvicha guasu oho pya'e hikuái Eliseo rendápe. ¹³Eliseo katu he'i Israel ruvicha guasúpe:—Che rejápe! Tereho eporandu nde ru ha nde sy kuérape! Israel ruvicha guasu he'i chupe:—Ñandejára ore reru ko'ápe, mbohapy mburuvicha guasu ro'a haguã Moabgua pópe. ¹⁴Upérõ Eliseo he'i chupe:—Ñandejára ipu'akapáva che jokuáiva rehe ha'e ndéve, ndaha'ei rire Judá ruvicha guasu Josafat rehehápe, nde rova rehe jepe nama'ẽi vaerã mo'ã.”

Joram, Josafat ha Edom oheka Mesape, umi moabita reype, ha opyta hikuái y ÿre. Joram he'i Ñandejára rupi oikoha hese kuéra péicha. Ha Josafat he'i chupe “¿Ndaipóri piko árupi peteĩ Ñandejára profeta ñaporandu haguã Ñandejárape ha'e rupi? Ha'ete ku Joram ndoikuaáiva Eliseo oĩha upépe. Ro'ese ndéve, angirũ che rendúva Eliseope ojekuaaiterei pe oikohápe. Eliseo ou, Josafat oĩ rupi upépente.

Ko'ápe japytáta ko árape, angirũ che rendúva. Ambue programape ñamyesakâvéta ñane mbo'epy Ñandejára pytyvô rupive.!

Ehaíke oréve remombe'úvo mba'éichapa ne pytyvô ko mbo'epy. Reipota ramo umi nota ha bosquejo, ikatu reike reite ore página internet peguápe, kóva ha'e pe dirección atravesdelabiblia.org/notas, ha'e jey atravesdelabiblia.org/notas.

Rehenduse jey ramo ko programa, téra ne rehendúi ra'e peteĩva eike jey atravesdelabiblia.org/recursos, ha'e jey atravesdelabiblia.org/recursos.

Angirû che rendúva, roha'ârõ rehai oréve téra embou peteĩ mensaje WhatsApp rupive 0981 521 200pe Radio Transmundial Paraguaype, rejerurévo umi nota ha bosquejo ko programa rehegua. Téra ehai oréve internet rupive ko direccióne atbparaguay@transmundial.org, ha'e jey atbparaguay@transmundial.org ; roha'ârõ rehai oréve. Ñandejára tande rovasa porãite.